

վանքապատկան այգիները ջրելու համար: Վանքի դիմաց Որոտնա գետի ձախ ափին գտնվող Յաքուտ վայրում պահպանվել են հնակառույց տաճարի մնացորդներ: Այդ վայրը ոռոգվելուց հետո կոչվեց Վարդուտ: Այժմ այդ աղբյուրները կոչվում են Ակնեք և նրանց ջուրն անց է կացված դեպի Գորիս քաղաքը: Չափ արմատը կրկնվում է անձնանունների մեջ ևս: Այսպես, X դարի սկզբում խոշոր դեմք է եղել Չագիկ իշխանը՝ Ջիվանշիր իշխանի որդին Ջիվանշիր ու Վահան իշխանների հայրը: Նա վկա է գտնվել այն վավերագրի ձևավորմանը և ստորագրմանը, որով ձիշտ որոշվում էին Տաթևի վանքի սեփականությունը կազմող հողերի սահմանները 906 թ.<sup>6</sup>: Այսպիսով, ավելի գերադասելի կլինի Չանգեգուր անունը համարել Չագեձուր անվան աղավաղված ձև:

Պետք է հիշատակել այստեղ նաև այն նոր մեկնաբանությունը, որը վերջերս առաջարկել է լեզվաբան Արարատ Ղարիբջանը: Նա կողմնակից է բացատրելու Սիսակ անունը որպես հին տեղական էթնիկ տարրի՝ Սի անունից առաջացած, որին հանդիպում ենք բևեռագիր արձանագրությունների մեջ Սի+ունի՝ Si+uni տեղանվան մեջ և ապա ավելի ուշ VII դ. մ. թ. ա. այգտեղ ներխուժած ժողովրդի սակ տարրի անվան միացումով՝ Սի+սակ: Նրա ենթադրությամբ սակ արմատը, որը կրկնվում է Կուր գետի հովտում Ղարաբաղից և Չանգեղուրից ոչ հեռու սակերի Շակաշեն գավառի անվան մեջ, կարող էր փոխվել մի կողմից գոկ (Ագուլիս), մյուս կողմից ձագ ձեի և այսպիսով հիմք ծառայել նաև Չագեձուր-Չանգեգուր անվան համար<sup>7</sup>:

Ինչպես վերը նշեցի, Սյունիքի երկրորդ (պարսկական) ձևն էր Սիսական անունը, որի երկրորդ վանկի մեջ ն. Յա. Մանն էլ գտնում է սկյութացիների հետ Անդրկովկաս ներխուժած սակ ազգության անվան արձագանք<sup>8</sup>:

<sup>6</sup> Օրբելեան Սա., անդ., էջ 13, 208, 230, 273, 406, 517:

<sup>7</sup> Ղարիբջան Արարատ, Համառոտություն հայ բարբառագիտության, Երևան, 1941, էջ 241:

<sup>8</sup> Март Н., Избранные сочинения, т. V., էջ 47: